

Hero production ehf.  
Hörgshlíð 12  
105Reykjavík

Reykjavík 28. júní 2018  
UST201806-327/P.B.S.  
09.06.01

### **Efni: Umsókn um kvikmyndaleyfi - Gullfoss - Geysir**

Umhverfisstofnun hefur mótttekið umsókn Hero Productions ehf. fyrir hönd Litton Entertainment, dagsett 26. júní 2018, um leyfi til kvikmyndatöku með dróna innan friðlands Gullfoss og við Geysir dagana 5. og 6. júlí 2018.

Gullfoss, ásamt næsta nágrenni vestan Hvítár, er friðlýst sem friðland, sbr. auglýsing í Stjórnartíðindum B, nr. 141/1979. Óheimilt er að nota ómönnuð loftför innan friðlandsins nema með leyfi Umhverfisstofnunar. Undanskilið banninu eru leitar- og björgunaraðgerðir og starfsemi Landhelgisgæslunnar, sbr. reglugerð 60/1998 og reglugerð 1185/2012. Leyfishafar skulu ávallt leita sér upplýsinga um gildandi reglur um starfrækslu ómannaðra loftfara og leita leyfis Samgöngustofu í samræmi þær reglur.

Geysir er á náttúruminjaskrá og er í umsjón Umhverfisstofnunar.

#### ***Lýsing verkefnis:***

Sótt er um leyfi til að fljúga dróna innan almenns útsýnissvæðis fyrir gesti svæðisins. Áætlað er að vera í 2 klst. á hverju svæði. Fjöldi starfsmanna sem koma að verkefninu eru 16 manns. Í umsókninni kemur fram að einungis verði flogið í samræmi við reglur Umhverfisstofnunar. Ekki er þörf að fara út fyrir göngustíga eða vegi svo ekkert rask mun fylgja kvikmyndatökunni. Í umsókninni kemur ennfremur fram að drónaflugmaðurinn sé með próf, leyfi og tryggingu frá Bandaríkjunum.

#### ***Áhrifamat:***

Umhverfisstofnun metur, miðað við ofangreinda verkefnalýsingu, að framkvæmdin muni að öllum líkindum ekki valda röskun á svæðinu. Framkvæmdin mun valda tímabundinni truflun á upplifun gesta á svæðinu þar sem mikill fjöldi ferðamann er á svæðinu dag hvern.

**Skilyrði:**

Umhverfisstofnun veitir fyrir sitt leyti leyfi fyrir myndatöku með dróna við Gullfoss að uppfylltum eftirfarandi skilyrðum:

- Tilkynna skal til Umhverfisstofnunar hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu.
- Verði breytingar á tímasetningu verkefnis skal það tilkynnt til Umhverfisstofnuna með að minnsta kosti 5 daga fyrirvara, sé þess kostur. Að öðru leyti eins fljótt og auðið er.
- Takmarka skal þann tíma sem kvikmyndað er eins og kostur er með tilliti til upplifun annara gesta á svæðinu.
- Kvikmyndatakan skal fara fram fyrir kl. 9:00 eða eftir kl. 18:00 þegar fjöldi gesta á svæðinu er minnstur.
- Einungis skal gengið á merktum göngustígum.
- Starfsmenn verkefnisins gangi snyrtilega um svæðið og forðist allt rask og þess gætt að allt rusl verði fjarlæggt.
- Ef myndefnið er ætlað til birtingar á Internetinu skal það tekið fram í myndbandinu að leyfi Umhverfisstofnunar hafi fengist fyrir notkun dróna/flygildis innan hins friðlýsta svæðis.
- Þess skal gætt að ekki verði truflun á dýralífi.
- Öllu raski við verkefnið verði haldið í lágmarki.
- Aldrei skal fljúga ómönnuðu loftfari nálægt fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Aldrei skal fljúga ómönnuðu loftfari nálægt dýrum eða fuglum, hvorki nálægt hreiðrum né á varptíma eða á þeim tíma sem telst viðkvæmur fyrir dýr og fugla.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólk, dýralíf, eða náttúruna og það skilji ekki eftir sig varanleg ummerki á neinn hátt.
- Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess skyldi það brotlenda eða bila.
- Að öðru leyti skal haga flugi dróna í samræmi við reglugerð nr. 990/2017 um starfrækslu fjarstýrðra loftfara.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.

Samkvæmt 88. gr. laga nr. 60/2013 um náttúruvernd er landverði heimilt að stöðva verkefnið ef hann telur að af henni stafi yfirvofandi hættu á verulegu tjóni á náttúru Íslands.


**Leyfisgjald:**


Umhverfisstofnun innheimtir gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

***Eftirlit:***

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

  
Ólafur A. Jónsson  
Sviðsstjóri

  
Valdimar Kristjánsson  
Sérfræðingur